

DE
ISOCRATIS VITA ET SCRIPTIS

EXPOSUIT. QUÆDAM

JOAN. GODOFR. PFUND.

DE
HISTORIA VITA ET SCRIPITIS

JOHN COOPER PIERCE

Oratores Graecos e scholis litterariis non prorsus exterminandos esse omnes ii, puto, mecum sentient, qui universam rei scholasticae rationem et naturam diligentius perpenderit. Nam ubi tirones grammaticis legibus praeceptisque eruditi et copia vocabulorum instructi in legendis optimis Graeciae historicis, Xenophonte, Herodoto, Thucydide, satis exercitati et versati fuerint, quid omnino restat ad communem antiquitatis cognitionem alendam, qualem in scholis, ut suum locum recte tueantur, assequi par est, quam ut iidem, (sicut fieri solet in Latinis) ad oratores, tamquam ad vivam illius aetatis vocem propius accedant, quo historiae quasi ossibus carnes induantur, iisque succus et sanguis infundatur. Quare velim eas orationes eligi, quae plano historiae fundamento nituntur, et faciliorem idcirco intellectum habent, magisque animum alliciunt. Etenim Demosthenis *Midiana* et *Leptinea*, propter editionum praestantiam interdum in scholis lectae, in causis versantur intricatioribus, quam ut universo discipulorum coetui sine impedimenti uberiorum explicationum in clara luce collocari possint. Quibus argumentis ductus, ne Demosthenes, quem non solum Cicero summum sibi exemplum proposuit, sed etiam omnium temporum laudes nobilitarunt, diutius scholis abesset, facile persuasi Bekkero nostro, ut octo *Philippicas* orationes huic usui aptissimas sua cura descriptas seorsum ederet. Atque eodem consilio selectas mihi aliquot *Lysianas* et *Isocrateas* (*Plataicam*, *Archidamum*, *Symmachicam*, *Arcopagiticam*) edendas et brevi annotatione instruendas designaram, quippe iudicans, Isocratem, scriptorem utilissimis vitae et civilis

prudentiae praeceptis abundantem, et vero amabilem oratoriae artis magistrum, a Cicerone tot laudibus exornatum, quemque Graecorum Ciceronem multas ob causas non immerito appellaveris, legendi studio inprimis dignum esse, ex quo Graecae scribendi usus in scholis per secula intermissus, non sine fausto Graeciae sensim renascenti omine, nostris temporibus tandem revixit. Quamquam vero non sum nescius, sententiam apud Isocratem interdum famulari verbis, non, quemadmodum deceat, verba sententiis, verumque esse, quod Cleochares Smyrleanus (Photii Biblioth. T. I. p. 121. b. ed. Bekk.) de Isocraticis fertur commode dixisse: *Τοὺς μὲν Δημοσθενικοὺς λόγους τοῖς τῶν στρατιωτῶν εἰκέναι μάλα σῶμασι, τοὺς δ' Ἰσοκρητικοὺς τοῖς τῶν ἀθλητῶν,* *) tamen neminem, qui familiaritatem quandam cum illo contraxerit, fugere censeo, eundem haud raro insurgere locisque permullis tam sensorum magnitudine, quam verborum pondere lectoris animum movere, et virtutis amore inflammare posse plurimum. Diutius etiam haesi in Isocrate perlegendo, ex quo egregiis Bekkeri opibus auctus et fere nova veste indutus prodierat. Sed quum per muneris scholastici saepe multiplicem diversamque rationem et vitae incommoda mihi non contigisset, ut Isocrati perpetuam operam impenderem, morbis denique gravissimis afflictus consilium abjeci, aliisque me expeditioribus et magis idoneis remis. Interea hac mihi scribendi tandem necessitate injuncta, aequis lectoribus ea, quae per studiorum cursum oblata de scriptoris vita et scriptis etc. notaveram, apponere constitui.

Quod in aliorum scriptorum vita enarranda saepe magna difficultate premitur, quo anno vel nati vel mortui sint, id de Isocrate planum est et apertum. Nam Dionysius Halic. (Vol. V. ed. Reisk. p. 534 et 537. coll. Plutarch. in vit. X. orat. Ἰσοκρ. p. 139. Diog. Laërt. III, 2. Phot. Bibl. Cod. 260 P. II. p. 486) Athenis Archonte Lysimacho (Ol. 86, 1. a. Chr. 436) natum et paucis diebus post Chaeronensem calamitatem Chaeronda Archonte (Ol. 110, 3 a. Chr. 338) diem supremum obiisse diserte tradit. Sive ille ex Hermippo Smyrnaeo, quem de Isocrate librum singularem composuisse ex Athenaeo (L. XIII p. 592. d) discimus, quum ejusdem liber de Isocratis discipulis eum (in Isaeo p. 588) non latuerit, hoc sum sit, sive alio modo ex computatione instituta confecit, certe huic temporum notationi tum quae ab aliis, tum quae ab ipso Isocrate

*) Simile est Philippi, regis Macedoniae dictum (Plutarch. X. orat. vit. in Demosth. T. V. ed. Taucha. p. 159. et Phot. T. II. p. 493), quod iste in suum usum fortasse convertit.

passim commemorantur, optime fere consentiunt. (cf. Clinton Fast. Hellen. convers. Krüg. ad annum 338.)

Pagi nomine fuisse Erchiensem (Ἐρχιέα ab Ἐρχία v. Ἐρχία, τῆς Αἰγυπιοῦ φυλῆς cf. Ἐρχίαθεν ap. Harpocrat.) Plutarchus cum Photio refert; quam vere, cum aliunde non constet, dubitare possumus, nisi Plutarchi libro majorem tribueris fidem. Nam quae ibi multa sunt temere quidem congesta, pleraque tamen suo loco adhibita haud exiguam veri speciem prae se ferunt. Quodsi Plutarchi sunt illa notata, ut cum Hieronymo Wolfio Beckerus Quedlinb. (in Andocides etc. p. 129) efficere studet, fieri potuit, ut idem ex Hermippo, (quem laudat in Solone c. 2.), ea in suum usum exciperet. Itaque Xenophontis, tribulis (Diogen. Laert. II, 6, 1) exemplo et amicitia motum Isocratem, actate illi supparem, ex medioerium civium numero ad Socratis familiaritatem se adjunxisse non absurdum fuerit conjectare, quum patres ejusmodi conditionis alteram alterius exemplo et hortatu filios in Socratis disciplinam tradere solitos esse ex Platone intelligamus. Divitum vero et nobilium filii quo consilio Socratem sectati sint, Xenophon (Memor. Socr. I, 2. §. 25 coll. 15 et 16) docet. Theodorus igitur, Isocratis pater, qui servos tiliarum fabros alebat, vir fuerit instar Critonis, et simili suo studio filium ut ad virtutem et sapientiam institueretur Socrati adduxerit. Neque adeo tam inepta eorum opinio est, qui oratoris nostri nomen ad Socratis similitudinem a patre inditum putant. Grammaticam quidem rationem aliquantum adversari non diffiteor; sed in nominibus fingendis, ut in omni vocabulorum originatione ista aetas sensum quendam obscurum callebat tantum sequi. Mirum certe videri potest, cur nomen illud alivi, quod sciam, non occurrat. Nam ipse Isocrates Apolloniates, illius discipulus et successor, nomen sibi, ut opinor, a praeceptore imposuerit. Interim haec ut levicula videlicet dubiaeque indaginis in medio relinquam.

Patris igitur Theodori laudes bene de se educando meriti Isocrates ipse (Orat. περὶ ἀντιδ. §. 161) praedicat: ἡμᾶς (fratres Telesippum, Diomnestum filiolumque Plutarchi. inquit commemorat; Suidas patris cognominem addit.) οὕτως ἐπιμελῶς ἐκείδουσαν, ὡς ἐπιφανέστερον εἶναι με τότε καὶ γνωριμώτερον ἐν τοῖς ἡλικιώταις καὶ συμπαιδευομένοις, ἢ νῦν ἐν τοῖς συμπολιτευομένοις, neque bonis eum caruisse verbis ibidem proxime praecedentibus (ἀπολομένων τῶν ὑπαρχόντων, ἀφ' ὧν ὁ πατὴρ τῆ πόλει χρησίμων αὐτὸν παρέϊχεν) testificatur.

At vero Socratis studiosissimum fuisse Isocratem, insignis locus in sine Phaedri Platonici docet, cujus dialogi tempus cum Schleiermachero (Platon. convers. German.

Vol. I. P. I. p. 70 seqq.) ad Olymp. 93, 3 vel paullo post refero, ubi Isocrates trigessimum jam annum agebat. Ibi autem Socratis de Isocrate augurium, a Platone tunc temporis profecto comprobatum sole clarius ostendit, majorem quandam et sancte colendam inter utrumque necessitudinem intercessisse. Majore mihi, inquit, (Cicerone interprete Orat. c. 13) ingenio videtur esse, quam ut cum orationibus Lysiae comparatur. Praeterea ad virtutem major indoles, ut minime mirum futurum sit, si quum aetate processerit aut in hoc orationum genere, cui nunc studet, tantum quantum pueris, reliquis praestet omnibus, qui unquam orationes attigerunt: aut si contentus his non fuerit, divino aliquo animi motu majora concupiscat. Inest enim natura philosophia in hujus viri mente quaedam. Haec Socrates ille in Phaedro Platonis. Atque hoc praeconium Isocrati in ejus dialogi fine tributum est, in quo Plato verae eloquentiae fundamenta primus jecit, eique adjuncta prima e philosophia, id quod Aristoteles postea persecutus est, repetenda demonstravit.

Majus ergo pondus illi Platonis fere aequalis testimonio accedat, si de seniore ipse senior scripserit. Platonis vero Isocratem fuisse amicum item commemorat Diog. Laert. III. 9. Nam Praxiphanes, (quem Epicurus, Apollodoro in Chronicis tradente, audivisse fertur id. X. 7. *) quandam conscripsit inter eos habitam de poetis disputationem, quum ruri Platonis hospitio frueretur Isocrates. Quas autem postero tempore inter utrumque fingunt similitates intercessisse, qui in Euthydemo Platonis (p. 305 ibi Heind. et Schleierm. Convers. Plat. Germ. P. II. Vol. I. p. 408) Isocratem tangi, eumque hos ictus in Philippo suo (§. 12) Platoni regessisse autumant, ii vereor ne acutius quam verius hoc posuisse videantur. Eodem jure et majori fortasse Lysiam ibi vel alium quemcunque *λογυργάφον* vellicatum putes. At quot rhetores fuisse Athenis censendi sunt, qui sophistarum discipuli civibus orationes in judiciis habendas scripserint ipsi in umbra latentes. (Isocr. *περὶ ἀντιδ.* §. 41 *Ἀλλὰ μὲν καὶ κείνο πᾶσι φανερόν ἐστιν, ὅτι παραλη-*

*) Idem videtur esse, qui primus (Clemens Alexandr. Stromm. I. p. 309 ed. Heins.) quo sensu hodie dicunt, Grammaticus appellabatur. Theophrasti discipulum fuisse Procli prolegg. ad Hesiod. Opp. p. 4. ed. Gaisf. Lips. docent. Debeo illos locos libello de Grammaticae Graecae Primordd. scr. Classen p. 8 et 9, ubi Praxiphanis saepius mentionem factam ejusque nomen in scholiis ad Dionys. gramm. p. 729 ed. Bekk. restitutum invenies. Proxime Isocratis tempora Praxiphanes attigerit necesse est.

ῥαῖς εἰσὶν οἱ παρασκευάζοντες τοὺς λόγους τοῖς ἐν τοῖς δικαστηρίοις ἀγωνιζομένοις. τούτων μὲν τοῖσιν τοσοῦτων ὄντων κ. τ. λ. cf. Attisch. Proz. Meier et Schoem. p. 707.)

Verum enimvero qui Phaedrum seriore tempore adeoque post Enthydemum putant scriptum (ut Stallbaum. post Olymp. 98 init.), ii Platonem adversa fronte pugnantia loquentem facerent, si Isocratem in illo Euthydemii loco significari contenderent. Quomodo enim istum eodem traxerint, nisi forte Platoni foediorum quam Isocrati notam inurere maluissent, equidem non video. Immo vero iniquis cum Isocrate ageretur, quem illas injurias Platone jam mortuo (Ol. 108, 2), uno et altero anno post, quo tempore Philippus scriptus est, ultum esse censerent. Tantaene animis senilibus irae? Sed minime hoc Isocrati affingendum, qui Lysimachi accusatoris probra in Timotheum, merittimum de patria imperatorem, mortuum conjecta tanta cum indignatione improbabat (περὶ ἀντιδ. §. 101). Denique Speusippi epistolam, ad Philippum scriptam (No. 30 Socr. et Socraticc. epp. ed. Orell.) etsi Valckenaer, vir magnus, in Isocratis hunc ipsum Philippi locum (§. 12) directam censuit (in Orat. de Phil. Maced. indole p. 262. not. 52), tamen ut dubiae fidei, vel si genuina sit*), ex mutua oratores inter et philosophos offensa aut ex partium studio profectam in partes huc non vocaverim. At vero iterum licet exclamare rogitanti, quot sophistae et sophistarum discipuli hoc tempore tales politias et leges, nobis non asservatas, jam scripserint, quas Isocrates plurali numero usus respicere potuit. Isocratem contra ex Platone quaedam quamquam suo more adhibita deprompsisse, certis vestigiis deprehendi iudicavit Orellius (Edit. περὶ ἀντιδ. p. 265 et Excurs. p. 306 seqq.). Societatis quoque inter Xenophontem et Isocratem permanentis indicium quaecumque apparet, si Diogeni Laert. (L. II. 6, 10) ex Hermippi libro (de vita Theophrasti) credimus enarranti, Isocratem (ita scribend. apud Diog. pro Socrate Fabric. Bibl. Graec. ed. Harl. P. II. p. 790 censet) Grylli, Xenophontis filii laudes, in pugna ad Mantineam (Ol. 104, 3) occisi conscripsisse. Quibus igitur utcumque positis, jam veri quandam speciem induere videatur, quod a Photio Xenophon in Isocratis auditoribus recensetur. Fieri enim potuisset, ut is ex Asia redux et exsilio affectus, quum

*) h. e. illo tempore Athenis scripta, quod cum Orell. l. l. praef. VI. et VII nullus dubito, Speusippi esse, Leo Allatius probabili conjectura posuit, ibid. p. 262. Nec quae Orell. in annotationis fine contra movet, adversantur quidquam. Nam potuit scriptor, Aegypto ab Artexerxe Ocho expugnata, item Athenis, commerciis prohibitis, de libri papyri penuria conqueri.

Scillunte in otio animum ad scribendum appulisset, Isocratis amici scripta tereret. Nimirum in Agesilao, cujus encomium senex post mortem regis (Ol. 105, 1.) composuit, Isocratis scribendi genus videtur aemulatus esse.

Sed tamen Isocratem Socraticae domus consortem fuisse, abunde ipsa loquuntur scripta, quae virtutis praeceptis, et egregiis cum vi quadam prolatis sententiis (Graeci ἐνδυσμήματα vocant) tam referta sunt, ut propter hoc ipsum a nonnullis acrius reprehendantur. Virtutis partes iisdem nominibus numerat, quibus Socratici, et philosophia, quam toties jactat, quamquam alio sensu quam vulgo putant, non ut philosophus sed ut orator utitur. Huc accedit, quod Socratici discipuli imaginem, quam καλοκαγαθίας forma exhibet, imitando videtur expressisse. Immo vero ut Socratis expectationi de se conceptae pro virili satisfaceret, eo potissimum hoc persequutus est, quod eloquentiae scholam vere Atticam condidit, unde tamquam ex equo Trojano, ut Ciceronis verbis utar, meri principes exierunt. In quo quidem negotio se quodammodo seculi genio cedens ad sophisticas formas accommodavit, sed tamen suum cursum ita tenuit, ut pulchri honestique studio nihil unquam derogaret.

In rhetorica arte primum videtur Theramenis, a Socrate non alieni (Diod. Sic. L. XIV. 5) disciplina usus esse, quem Gorgiae discipulum perhibent. (Dionys. Halic. et Plutarch. l. l. Suidas in v. v. Ἰσοκρ. et Ἀργίου υἱός. — Isocrat. edit. Dindorf. p. VIII. (βίος Ἰσοκρ. ex codd. Laurentt.) Et narrant (cum Plutarcho Schol. ad Aristoph. Ran. v. 540. Diod. l. l. Σωκράτης δὲ ὁ φιλόσοφος καὶ διὰ τῶν ὀϊκείων κ. τ. λ.) Isocratem, Theramēni ad necem deducendo applicatum cum illo emori voluisse, illum autem impedivisse, quominus hoc fecerit. (βίος. l. l. p. IX. Ἐφθασε γὰρ συνακόλληται σοὶ καὶ ἡ ἐμὴ διδασκαλία, ὥς ζῶν πλέον ἔτι πιαῶς ἐνδεικνύμενος τὴν διδασκαλίαν.) Quibus verbis Isocrati persuasum esse, ut superstes factus artem docturus abierit. Praeterea alios multos, Protagoram, Prodicum, Gorgiam, Tisiam, Archinum*) in Isocratis praeceptorum numero commemorant. Sed in talibus seriores vitarum enarratores saepe temere ac pro lubitu agere, ita ut viro cuique excellenti praeceptores auctoritate maxime conspicuos adjunxerint, in comperto est. Verum tamen haec in hac tanta Athenarum celebritate et publice vivendi frequentia tam arctis finibus circumscribi nequeunt. Aliud erat sane ἀργύριον δίδοναι,

*) Nam quem nunc etiam circumferunt Ἐργίνον e Suida, eum Ruhnken, in histor. crit. p. 42. Archinum (Demosth. c. Timocrat. p. 742, 25 Reisk.) esse pronuntiavit.

aliud per sermonem in circulis, disputationibus, congressionibus alicujus doctrinam vel per familiares traditam accepisse. Crebro autem circa eadem tempora, quibus Isocratis juvenus florebat, Gorgiae Leontini exemplo et plausu (inde ab Ol. 88, 2) fortasse excitati, quos e Platone sophistas et artis rhetoricae magistros novimus, Protagoras Abderites, Prodicus Ceus, Hippias Eleus, Thrasymachus Chalcedonius, (Plat. Phaedr. Vol. I. ed. Heind. p. 343) Theodorus Byzantius, Euenus Parus (ibid. p. 339), rhapsodorum, Lyricorum, Herodoti aliorumque more, ut ingenio ostentando nummatis adolescentes ad se invitarent atque pellicerent, Graeciae urbes peragrarunt saepiusque Athenis commorati sunt. Illum ibi a Prodicō, quem Socrates plurimi faciebat, non alienum fuisse, exemplis quibusdam probari potest (Spengel *Συναγωγή τεχνῶν* p. 54 coll. praef. XXIII). Quidni Protagoricae quoque sapientiae eum aliquid degustasse censeamus Athenis, ubi Protagoras haud raro versatus est et adolescentium studia tantopere incendit? Neque adeo Hippias ignarum fuisse vel ex eo verisimile est, quod ejus mortui uxorem Plathanen in matrimonium duxit, ejusque filium Aphareum adoptavit. Nam sophistas, acerbius illos quidem a Platone exagitatos et in summam invidiam adductos, multa tamen non contemnenda protulisse consentiens nunc eruditorum vox est, eorumque merita de prosae orationis conformatione haud exigua fuisse judicant (Bernhardy *Wissenschaftl. Syntax* p. 171 et 452). Ita, quae illi probabilia docuerant, Isocrates adolescens arti oratoriae operam ipse daturus suo sibi iudicio adseiscere et in suum usum convertere potuit. Ab his igitur, plurimumque a Gorgia, ut infra docebimus, pependisse Isocratem in arte rhetorica addiscenda, seriores vitarum scriptores in universum recte tradiderunt, quorum unum instar omnium laudo Dionysium Halic. p. 536 in judic. de Isocr. *πεφυκεμένην δὲ παραλαβὼν τὴν ἀσκήσιν ὑπὸ τῶν περὶ Γοργίαν καὶ Πρωταγόραν σοφιστῶν κ. τ. λ.*

Inter ea Isocrates bonis per funestam belli Peloponnesiaci vicissitudinem amissis (περὶ ἀντιδ. §. 161. ἀπολομένων ἐν τῷ πολέμῳ τῷ πρὸς Λακεδαιμονίους ἀπάντων τῶν ὑπαρχόντων ἡμῶν —) rei publicae capessendae quamvis cupidissimus (Dionys. Halic. p. 535) quum ad dicendum pro concione naturam non nactus esset fauricem (*ἐγὼ γὰρ πρὸς μὲν τὸ πολιτεύεσθαι πάντων ἀφύεστατος ἐγενόμην τῶν πολιτῶν οὔτε γὰρ φωνὴν ἔσχον ἰκανήν, οὔτε τόλμαν δυναμένην ὄχλῳ χρῆσθαι κ. τ. λ.* Phil. §. 81. cf. Panath. §. 10) *) ut vitam sustentaret

*) Unde Dionys. Plutarch. Phot. eadem decantant.

reique familiari reparandae prospiceret, Lysiae aliorumque rhetorum exempla secutus aliis accusatis orationes scripsit et subinde ad artes tradendas se contulit (Cic. Brut. c. 12 sic). Illud enim illa aetate eum exercuisse vel ex ipsis forensium ejus orationum argumentis ad tempora post Archont. Euclid. usque ad Ol. 97 referendis patet; sed utrumque item Cicero ex Aristotelis libro nobis deperdito (*τεχνῶν συναγωγή* Intpp. de Orat. II, 38, 160) ibidem tradit. Aristoteles igitur ait, Isocratem primo artem dicendi esse negavisse, scribere autem aliis solitum orationes, quibus in judiciis uterentur: sed cum ex eo (quia quasi committeret contra legem) quo quis iudicio circumveniretur saepe ipse in iudicium vocaretur, orationes aliis destitisse scribere, totumque se ad artes componendas transtulisse. Quo locupletissimi auctoris testimonio edocemur, quae ad universam Isocratis vitae rationem recte intelligendam magni sunt momenti, eum simul necessitate quadam ad illud delatum videmus, quo apud posteros gloriam sibi peperit. Angustissimum autem Isocratis tempus, quo civilibus etiam undis jactabatur, fractis Atheniensium ad Aegopotamum rebus videtur incidisse. Narrat enim Plutarchus (cum Photio), eum in Chio insula, pecunia accepta docere coactum (Socratis sui memorem Xenoph. Memor. I, 2, 6 et 60) fudisse lacrimas. Illuc rhetorem Athenis relictis sub triginta virorum potestate cum aliis permultis (Diod. Sic. XIV, 5. *ἐπὶ τοσοῦτο κατέφθειραν τὴν πόλιν, ὥστε φυγεῖν Ἀθηναίους κλειούς τῶν ἡμίσεων*) fortasse post Theramenis necem fugisse verisimillimum est, praesertim quum Critias in rhetores animadvertisset (Xenoph. l. l. I, 2, 31). Illic quum versaretur, Damasistrati, Theopompi patris vel hospitio vel familiaritate usus esse videri potest, qui postea filium ipsi erudiendum Athenas miserit. Scilicet ex iisdem regionibus Ephorus Cumanus et Naucrates Erythraeus postero tempore in Isocratis disciplinam se tradiderunt. Apud Chios tamen exulem non diu remansisse tum intelligimus, quum orationes judicarias paullo post Arch. Euclid. scribere coepisse et Socratis mortem Athenis atra veste indutum luxisse reputamus. Sed Isocratem seriore tempore (nam ante laudes illas Socratis supra commemoratas vix fieri potuit) Gorgiae asseclam factum esse tum omnes vitarum scriptores uno ore tradunt, tum universe posterioris vitae ratio et scriptorum singulorum compositio adeoque manifesta imitationis vestigia arguunt. Primum Dionys. Halic. praeter l. l. supra l. l. (*περὶ δεινότη. Δημοσδ. T. VI. p. 963*) disertis verbis dicit: *ἡ Ἰσοκράτους λέξις τὴν ἐπίδεικτον καὶ κατεσκευασμένην τῶν περὶ Γοργίαν ἐκμίμακεν. ἀμαρτάνει δὲ ἐν οἷς ὠραῖζεται καὶ τοὺς Γοργίου νεαρὸς σχηματισμοὺς ζήλοῦσα τὰ γὰρ ἀντίθετά τε καὶ πάρισα, καὶ τὰ παρακλήσια τούτοις οὔτε με-*

τριάζοντα οὐτε καθ' ἑνὸς γινόμενα κατασχύνει τὴν μεγαλοκρίθειαν αὐτῆς. Quocum reliqua veterum judicia in Plutarcho, Philostrato, Photio obvia concinunt, quae huc afferre nunc nihil attinet. Quid enim multa? Quae Cicero (Orat. c. 52 coll. 49) cum Dionysio paria paribus adjuncta et similiter definita, itemque contrariis relata contraria ut Gorgiae inventa celebrat, ea in Isocratis orationibus crebro deprehendi exemplis permultis constat; sed tamen ab eo, Cicerone iudice, illae festivitates moderatius temperatae sunt. Quae profecto accuratius rimari possemus, si Gorgiae scripta integra ad nostram aetatem pervenissent. Interea pauci apud nostrum exstant loci, quae ex Gorgiae imitatione profecta esse apparet. Unus est in Panegyrico §. 158. εὐροὶ δ' ἂν τις ἐκ μὲν τοῦ πολέμου τοῦ πρὸς τοὺς βαρβάρους ὕμνους πεποιημένους, ἐκ δὲ τοῦ πρὸς τοὺς Ἕλληνας θρήνων ἢ μὲν γεγενημένους. (Süvern Abhandl. der Berliner Akad. Ueber Aristoph. Vögel p. 48 not.) Namque Philostratus (in vit. Soph. p. 493) Gorgiae Epitaphii argumentum exponens fortasse ipsa ejus verba servavit: τὰ μὲν κατὰ τῶν βαρβάρων τροπαῖα ὕμνους ἀκαίτεϊν, τὰ δὲ κατὰ Ἑλλήνων θρήνους. In quo si Gorgiam ipsum loquentem audiamus, verbum post θρήνους omissum videri potest. Alterum est exemplum Panegyri. §. 45 fin. μὴ μόνον τάχους καὶ ῥώμης, ἀλλὰ καὶ λόγων καὶ γνώμης, quam paromoeosin in majore funebris orationis fragmento a scholiasta ad Hermog. de form. orat. libros servato, felici conjectura, cui ex Isocrate paullum firmata fides accedit, Gorgiae reddidit Fofs (de Gorgia Leontino p. 69 cf. 73) καὶ δις ἀσκήσαντες μάλιστα ὡς δεῖ γνώμην καὶ ῥώμην, τὴν μὲν βουλευόντες, τὴν δὲ ἀποτελοῦντες, ubi pro δεῖ erat antea δῆ, et verba καὶ ῥώμην omissa. In quo habes fere totam Gorgiae in loquendo consuetudinem, quam Fofs ibidem strictim significavit: primum poeticam rationem δις ἀσκήσαντες pro δύο, deinde paromoeosin γνώμην καὶ ῥώμην, βουλευόντες-ἀποτελοῦντες parisa τὴν μὲν βουλευόντες, τὴν δὲ ἀποτελοῦντες, denique antitheta. Similia Isocratis artificia abunde stipata et intempestive inculcata carpit Dionys. Halic. in Isocr. p. 561 seqq. exemplis e Paneg. desumptis. Tandem sunt, quae non solum elocutionem sed etiam argumentum Panegyricae orationis a Gorgia Isocratem mutuatum esse arguant. Disertis verbis hoc tradunt Plutarchus et Photius, qui simul e Lysiae epitaphio illum multa transtulisse narrant*). De Lysia nunc non quaero; de Gorgia

*) Quibus accedit Theon Προγραμμασίμ. (Rhet. Graeci. edit. Walz p. 185) Εὐροὶς δ' ἂν καὶ παρὰ Ἰσοκράτει ἐν τῷ Πανηγυρικῷ τὰ ἐν τῷ Λυσίου ἐπιταφίῳ καὶ τῷ Ὀλυμπικῷ. Sed Γοργίου vocabulum ante Ὀλυμπ. excidisse opinor. Nam Lysiae Olympiaca oratio in multum diverso argumento versabatur (cf. Dionys. Halic. Vol. V. de Lysia p. 519 seqq.) Pauca, quae huc trahas, in ejus fragmento

autem conficit Philostratus, qui ejus Olympiicam orationem in argumento dissimili versatam esse explicat. Ceterum Isocrates majorem se cum Gorgia familiaritatem contraxisse indicat loco *περὶ Ἀντιδ.* §. 155 et 156. ὁ δὲ πλεῖστα κησάμενος, ὃν ἡμεῖς μνημονεύομεν, Γοργίας ὁ Λεοντῖνος οὗτος διατρέψας μὲν περὶ Θεταλίαν, ὅτι εὐδαιμονέστατοι τῶν Ἑλλήνων ἦσαν, πλείστον δὲ χρόνον βίου καὶ περὶ τὸν χρηματισμὸν τοῦτον γενόμενος, πολλὴν δ' οὐδεμίαν κατακαγίως οἰκήσας οὐδὲ περὶ τὰ κοινὰ δαπανηθεὶς οὐδ' εἰσφορὰν εἰσενεγκεῖν ἀναγκασθεὶς, ἔτι δὲ πρὸς τοῦτοις οὔτε γυναῖκα ῥήμας οὔτε παῖδας ποιησάμενος — χιλίους μόνους στατήρας κατέλιπε. Quibus omnibus in universum diligenter pensatis non dubium est, quin Isocrates senex semet ipsum juniorem ut Gorgiae imitatore[m] demonstraverit in Panathen. init. (quem locum respexit Cic. Orat. c. 12). Νεώτερος μὲν ὢν — (§. 2) περὶ ἐκείνους ἐκφραγματευόμεν (τοὺς λόγους) τοὺς πολλῶν μὲν ἐνθυμημάτων γέμοντας, οὐκ ὀλίγων δ' ἀντιθέσεων καὶ παρτίσεων καὶ τῶν ἄλλων ἰδεῶν τῶν ἐν ταῖς ῥητορείαις διαλαμπουσῶν καὶ τοὺς ἀκούοντας ἐκπαινεῖσθαι καὶ δορυβεῖν ἀναγκαζουσῶν. At fortasse quispiam dixerit, mirum videri, cur Isocrates hoc loco ipsum Gorgiae nomen non professus sit. Quod ne nostrae sententiae adversetur, meminerimus, Isocratem non uni Gorgiae addictum fuisse, neque omnino in unius verba magistri jurasse, sed ab omni aequalium studio, quidquid probaret, suo sibi iudicio exquisivisse. Inprimis autem commemorat Cicero, admiratores Isocratis hoc prae aliis laudi vertisse, quod verbis solutis numeros primus adjunxerit. (Cic. Orat. c. 52. de Orat. III. 44. cf. Dionys. l. l. p. 538.) Atqui numerorum in oratione Gorgiam studiosum fuisse, nulla quod sciam mentio apud veteres exstat. Quem igitur in his secutus est? Thrasy-machum cum sectatoribus puto, quem Aristoteles (Rhetor. III. 8. p. 251, 4) id artificii factitasse testatur, et Cicero plurimum ex philosophi libris pendens eundemque fortasse secutus loco ibidem subsequente significat. Nam Aristoteles, de rhythmis in oratione adhibendis exponens, a Thrasy-macho paeonem maxime commendatum et suo tempore paeonem primum ab orationis initio usurpatum esse tradit. Quare haud scio an in Panegyricae exordio verba prima *πολλῶν ἐδαύμασα* hujus praecepti

occurrunt. Olympiicam Gorgiae cum Isocratis Panegyricae ab initio comparatam commemorat Aristot. Rhet. III, p. 188, 7. ed Bekk.

*) Ita in Philippo (§. 27 et 28) non multum ante scripto inco[m]tam senex orationem excusat: οὐδὲ γὰρ ταῖς περὶ τὴν λέξιν εὐρύθμιας καὶ ποικιλίας κεκοσμημένον αὐτόν, αἷς αὐτὸς νεώτερος ὢν ἐχρήματη — ὃν οὐδὲν ἔτι δύναμαι διὰ τὴν ἡλικίαν. Quin etiam se ipse tantum, quantum aetate procedebat, relaxarat a nimia necessitate numerorum, Cic. Orat. c. 52, §. 176.

exemplum supersint. Nimirum in hac demonstrativi generis oratione scriptor, ut hominum oculos ad se converteret, plurimum illis rhetorum artificii indulsit, quae postea in scholis quidem, ut discipulorum ingenia exerceret, tradidisse, et suis exemplis interdum probasse, sed ipse mox deposuisse putandus est. Itaque in *εὐροδαιαῖς καὶ κοικιναῖς* (Phil. I. I.) et Thrasymachi et Gorgiae sectatorumque crepundia eum respexisse, ideoque in Panathenaicae loco multitudinis numero universa complexum esse crediderim. Sed redeat illuc unde deflexit disputatio, qua efficere studui, Isocratem cum ex aliis magna professis illius temporis magistris tum maxime ex Gorgiae supellectile auctum esse. Cujus rei ut quasi imaginem ipsam oculis subjiciam, postremum commemoro tabulam ad sepulcrum rhetoris nostri positam, in qua poëtae et magistri, in hisque Gorgias sphaeram astrologicam intuens conspiciebatur (Plutarch. l. c. p. 143). Et vero Gorgias, ut primo adventu (Ol. 88, 2. a Chr. 427) Athenis maximum plausum (Diod. Sic. L. XII. 53) tulerat, ita postea per Graeciae urbes saepius peregrinans et in publica hominum celebritate Athenis, Olympiae*, Delphis, Corinthi, Thebis Olympica praecipue oratione, quae Graecos, omissis inter ipsos mutuis dissidiis ad pugnandum contra Persas hortabatur, et vulgi et adolescentium studia ita incendisse videtur, ut multi eum sequerentur, alii, quum in Thessalia, primum Larissae apud Aleuadas (Plat. Menon. init.), deinde Pheris Jasoni gratus (Pausan. VI. 17. 5) domicilium collocasset, illuc salutatum proficiscerentur. Neque absurdum sit conjicere, Gorgiae discipulos barbarorum odio impletos et Graecis Asiaticis libertatem reddituros, Menonem, Proxenum, fortasse Xenophonem ipsum, magistri oratione commotos Cyri minoris partes secutos esse. Ipsum vero Jasonem in oratione Polydamas (Xenoph. Hellen. L. VI. c. 1. §. 12. cf. Isocr. Phil. §. 119) loquentem inducit, ut cujus animus non multum a regis Persarum aggrediendi consilio abfuerit. Quae quidem omnia proxime posita vel cogitationi vel opinioni obsequentem magna ex parte me pronuntiasse scio, nihilo minus tamen intelligenti cuique et universum rerum Graecarum cursum animo contemplanti mecum patebit, Gorgiam in primis oratione sua Olympica, quo jam ducebat et Persici temporis memoria, poëtis, oratoribus, rerum scriptoribus repetita, et inde propagatum commune Persarum odium, multis veteris disciplinae viris multisque adolescentibus persuasisse, ut unam Graeciae salutem in bello contra Persas suscipiendo oblatum iri crederent. Quibus accenseri de-

*) Ὀλυμπίασιν διετέλεσθη ἀπὸ τῆς τοῦ νεῦ βαλβύδος. Philostr. ep. ad Juliam Augustam p. 919.

bere Isocratem patriae amantissimum cum multis aequalibus iisque principibus viris et vitae ratio, quam postea ingressus est, et argumenta ejusmodi toties inculcata satis docent.

Isocrates igitur, quum totum se, Socratis exemplum secutus, ad adolescentes erudiendos, abjecto orationum forensium scribendarum negotio, traditurus esset, ad Gorgiam, sibi jam antea notum, et famae et Theramenis commendatione praecellentem, non minus orationum audiendarum quam rhetoricae artis illinc repetendae causa in Thessaliam iter fecerit. Huic autem tempori (circa Ol. 97), ex quo judicialibus controversiis abstinerit, hoc iter, ab uno, nisi fallor, Cicerone (Orat. c. 52. §. 167) demonstratum, probabiliter assignandum esse plura suadent ut decernam. Primum jam supra significavi, quem superiore vitae tempore animo Socrati usque ad mortem deditissimo credimus, eum simul ad Gorgiae contubernium vix potuisse adduci. Deinde vero ne ab opibus quidem prius ad iter ingrediendum et mercedem centum minarum solvendam satis polluisse potest, sed quaestu demum ex orationibus scribendis facto profectus sit. Gorgias etiam tum superstes erat et in Thessalia extremam senectutem agebat. (Usque ad annum Ol. Ol. 98, I. a. Chr. 388 vixisse statuit Fofs in libro supra laud. p. 11. Clinton Fastis. ad annum 427 Gorgiae mortem post 380 a. Chr. ponit.) Neque hoc cuiquam offenculo erit, quod Cicero ad senem Gorgiam accessisse Isocratem adolescentem retulit, quem ex nostra ratione annos jam quadraginta quattuor natum fuisse oportebat. Nam adolescentis nomen, quod Graeci ἐν ἀκμῇ dicunt, certis annorum finibus non contineri notum est, idque Ciceroni e diversa senis appellatione facile se obvium dare potuit. Praeterea aliquid firmamenti Isocratis illi in Thessaliam itineri afferri possit ex epistola ad Jasonis filios scripta, unde apparet alteri cum altero hospitium fuisse. Attamen hoc, etiamsi epistolam genuinam esse ponimus (cum Coraë, qui ad Ol. 102, 4 eam refert) Athenis (Ol. 101, 4) ubi Jason Timotheo accusato patrocinabatur, junctum videri poterit. Quare haec jam omitto. Plurimum denique fidei conciliatur Ciceronis indicio huc referendo, si tamquam desuper spectantes in universam totius vitae commutatam rationem intuemur, qua in latiore campum exinde vagatus est Isocrates. Ab hoc tempore meditatam esse Panegyricam orationem (ante Ol. 100, 1. in vulgus non emissam) ex eo liquet, quod una voce veteres clamant, eam annorum amplius decem opus haberi. (Plutarch. Moral. T. II. de glor. Athen. extr. pag. X. orat. Isocr. p. 142. Dionys. Halic. de compos. p. 208. Longin. de sublim. c. 4. Aelian. Var. Hist.

XIII. 11.) Ad hoc tempus ipse respexit senex in Panathen. §. 11.) ἐπὶ τὸ φιλοσοφεῖν καὶ κοινῶν καὶ γράφειν ἢ διανοθεῖν κατέφυγον, οὐ περὶ μικρῶν τὴν προαίρεσιν ποιούμενος οὐδὲ περὶ τῶν ἰδίων συμβολαίων οὐδὲ περὶ ὧν ἄλλοι τινὲς ληροῦσιν, ἀλλὰ περὶ τῶν Ἑλληνικῶν καὶ βασιλικῶν καὶ πολιτικῶν πραγμάτων. (unde idem habet Dionys. Halic. in Isocr. p. 535.) Et paullo infra §. 13 (πάντες ἴσασι) ἐμὲ τῶν λόγων ἡγεμόνα τούτων γυγνημένον τῶν παρακαλούτων τοὺς Ἕλληνας ἐπὶ τε τὴν ὁμόνοιαν τὴν πρὸς ἀλλήλους καὶ τὴν στρατείαν τὴν ἐπὶ τοῖς βαρβάρους, καὶ τῶν συμβουλευόντων ἀποκίαν ἐπέμειν κοινῇ πάντας ἡμᾶς ἐπὶ τὸσαύτην χώραν καὶ τοιαύτην, et quae sequuntur de coloniis in fertilissimas Asiae regiones mittendis. Neque frustra, quamvis alio rerum mole postea devoluta, haec declamarunt. Nam Aelianus (Lib. XIII, 11) scripsit: αἴτιον Ἴσοκράτην γενέσθαι τοῖς Πέρσαις καταδουλώσεως, ἧς καταδουλώσαντο αὐτοὺς Μακεδόνες. — τοῦ γὰρ πανηγυρικοῦ λόγου ἡ φήμη πρῶτον μὲν Φίλιππον ἐπὶ τὴν Ἀσίαν ἀνίστησεν, ἀποθανόντος δὲ ἐκείνου Ἀλέξανδρον. — Nempe Alexandro Aristoteles praelegerit Panegyricam.

Illud igitur argumentum gravissimum Graecisque auditu jucundissimum *) Isocrates e Thessalia reversus, Athenis post muros Cononis beneficio restitutos ad pristinae gloriae spem revirescentibus, tanto animi ardore amplexus est, ut cetera fere omnia in suasionibus politicis proposita illuc referre videretur. Et profecto, rhetoricas exercitationes a rebus futilibus (Laudat. Helen. §. 12) revocans, idem illud discipulis et amicis diligentissime explicuit et commendavit. Ad hoc perficiendum cum aliis eximiis rei publicae viris εἰταιρεία quaedam videtur conjunctus fuisse. Quod enim praedicat in laudibus majorum nimium fortasse opinioni indulgens, in Paneg. §. 79, καὶ τὰς εἰταιρίας συνῆγον οὐχ ὑπὲρ τῶν ἰδίων ἀλλ' ἐπὶ τοῦ πλεθροῦς ὠφελεία, id quis dubitet quin serio cum amicis imitatus sit? Erat autem in his egregius dux Atheniensium Timotheus, Cononis filius, e discipulo amicus factus, cujus merita resque gestas noster in oratione (περὶ ἀντιδ. §. 101—139) insigni cum laude persequitur. Prima, quod sciam, apud Lysiam (de Aristoph. bon. p. 316. §. 36. Bekk. Ol. 98, 1. ante Chr. 388 hab. Clint.) mentio facta est Timothei in Cypro degentis cum patre, qui bona ibi, Euagorae haud dubie beneficio, possidebat. Patre mortuo (circa Ol. 97. 2. a. Chr. 391.) septemdecim talentorum (Lys. ibid. §. 40) haeres factus, adolescens admodum, viginti circiter annos natus aestimari potest.

*) Ipse Demosthenes in orat. περὶ συμμορ. §. 3. Bekk. (Ol. 106, 3. a. Chr. 353.) concionatur: Ἐγὼ νομίζω, κοινὸν ἔχθρον ἀπάντων τῶν Ἑλλήνων εἶναι βασιλεία.

Nam diem supremum Chalcide obiit Ol. 106, 3 (a. Chr. 354 Clint.), ubi sexaginta annos nondum vixisse conjicio. Jam quando Isocrati se in consuetudinem dederit, si quaerimus, paullo post patris mortem nomen apud rhetorem professum putares. Sed alia docet locus in Ἐρωτικῷ, qui sub Demosthenis nomine circumfertur §. 46. (1415 Reisk.) τοῦτο μὲν Τιμόθεον, οὐκ ἐξ ὧν νεώτερος ὢν ἐπετήδευσεν, ἀλλ' ἐξ ὧν Ἰσοκράτης συνδιαιτρήσας ἔκραζε, μεγίστης δόξης καὶ κλειστόν τιμῶν εὐρήσεις ἀπέδεντα. Quum autem illam orationem probabili conjectura Androtioni (cf. Schaef. Appar. crit. ad Demosth. T. V. p. 630), Isocratis discipulo, tribuant, illi testimonio aliquam fidem habuerim. Quodsi Timotheus primum *) ante pugnam ad Alyziam v. Leucada factam (Ol. 101. 1. Chr. 376 cf. Clint. ibique Krüg. a. 375) dux creatus est, eum ab Ol. 99—100 in Isocratis familiaritatem praestiterim se insinuasse. Et vero magistri praeceptis de sociis clementia et aequitate conciliandis se praebuit docilem, (cf. Böckh Staatsh. I. p. 316—17 et 448—49). Eidem paullo post Isocrates in bellicis expeditionibus comes factus litteras ad Athenienses publice missas composuisse, et talentum a grato amici animo post Samum captam dono tulisse dicitur. (Plut. l. c. p. 140.) Quam Sami expugnationem (Isocr. περί Ἀσπίδ. §. 111), si eandem esse credimus, quam Demosthenes in orat. de Rhod. libert. (hab. Ol. 107, 2.) p. 173. §. 9 seqq. commemorat, vir doctissimus (Jacobs Demosth. Staatsr. p. 197 Anm. 5) ad Ol. 104, 2 referre studet. At contra videntur pugnare, quae post Samum captam recensentur apud Isocr. (l. c. §. 112) — ἐπέδενεν τοῖσιν ἀνακλιύσας Σησίων καὶ Κρησίων ἔδραβε — τὸ δὲ τελευταῖον Ἰστιάδαιαν εἶπεν (Diod. Sic. XV. 81 extr. Ol. 104, 1.) Isocrati autem, quamquam oratori, in rebus novissime gestis et tam studiose explicatis fidem quis denegaverit? Equidem has tricas, quibus expediendis imparem me sentio, nihil moror, qui omnino Isocratem in prioribus, non in hisce itineribus comitem Timotheo fuisse censeam. Nam quo tempore Samus capta videtur, septuaginta annos egressus sedem constanter Athenis fixisse et docendo scribendoque operam impendisse putandus est. Quippe in epistola ad Jasonis filios jam excusat senectutem, sed antea se Athenis abfuisse (§. 2) innuit. Praeterea sub ista tempora scholam ejus floruisse, ex eo consentaneum est, quod circa Ol. 105 Theopompus circiter viginti annos natus coaevus est praepatore. (Pflugk de Theopompo Chio.) — Tanta igitur utriusque

*) Ol. 100, 3, postquam Sphodrias Piraeum adortus erat. Diod. Sic. XV. 29 qui falso illam rem ad Ol. 100, 4 detulit. cf. Böckh Abhandl. d. Akad. hist. phil. Kl. 1818. p. 80.

per omnem vitam vigeat familiaritas, ut Timotheus ob priora de se merita vel seriori aetate Isocratem remuneraretur. Itidem Timotheo conciliante quae Isocrati cum Eua-
gora et Nicocle necessitudo fuit ortum duxerit. Denique ut Timotheo defuncto alter
monumentum litterarium, ita huic vivus alter marmoreum Eleusine collocavit (Plut. l. c.
p. 143), cui inscriptum erat:

Τιμόθεος γηϊίας τε χάριν σύνεσίν τε προτιμῶν

Ἰσοκράτους εἰκὼ τήνδ' ἀνέδρασε θεαῖς.

Mihi quidem, si quis Timothei mores et res gestas ex historiae filo narratas
contexuisset, operae pretium facturus fuisse videatur. (Locos nonnullos, qui mihi in
promptu sunt, adscribam. Athen. XIII. 38. Plutarch. Apophth. P. II. p. 42. Athen. X.
14. d. Aelian. II. 10. Cornel. Nep. Chabr. c. 3. (ex Theopompo) Athen. XII. c. 43.)
Eloquentiae exemplum non Isocraticae, sed imperatoriae exponit Demosth. de rebus
Cherson. p. 99. §. 74. Quod si vires mihi suppetissent, repudiato Isocratis edendi
consilio, ut supra dixi, suo loco exsequi conatus essem. Quid enim juvat, scriptorum
verba nonnullis annotationibus onusta toties repetere, quum editionum diligenter procu-
sarum indies augeatur numerus? Attamen ut his litteris, quibus ab ineunte aetate nun-
quam non deditus fui, vel secundas vel tertias partes sustinens parvam utilitatem affer-
rem, libellum de Isocrate agitabam Germanice scribendum, qualem A. G. Becker. Qued-
linb. de Demosthene, nunc repetita editione approbatum, et de Andocide composuit.

Jam ad Isocratis scripta percensenda transeo. Plutarchi tempore ejus fereban-
tur orationes sexaginta, quarum pro genuinis habuit Caecilius duodetriginta, sed Dio-
nysius viginti quinque. Suidas triginta duas numerat. Photius (cod. 159) testatur, se
tantum viginti unam et novem epistolas legisse; quas etiam nunc habemus superstites.
In recensu tamen epistolarum litterae ad Jasonis filios datae fortasse librarii errore
omissae sunt. Ex his jam patet, majorem quondam fuisse numerum orationum. Sed
fortasse Isocraticorum fetus cum genuinis scriptis facile confundebantur. Subdititia
enim quaedam enumerantur ab auct. βίου (p. XII), quorum pars magna in Isocratis
schola elaborata videri potest. Quae autem tulerunt aetatem, ea ex temporum ratione
sic ordinanda, ut oratio prima adv. Callimachum scripta credi possit (circa Ol. 94, 4),
quia (§. 2 et 5) rerum post triginta virorum dominatum gestarum recens facta est men-
tio. Sed aliquot annis post ad forum causa videtur pervenisse. Item Krüg. ad Olymp.
95 (Clint. ad a. 397) refert. [Spengel in l. l. p. IX eam dubiae fidei esse non recte

judicat, his verbis: si modo haec Isocratis est; Ursino Fulvio Isacus auctor videtur. Nam Fulvii Ursini error, notante Fabric. Biblioth. Graec. P. II p. 789, profectus erat a pravis lectionibus in Harpocrat. (*π. Πίνων*) ubi ex confusione saepius obvia erat *Ἰσαῖος*; pro *Ἰσοκράτης*; et in Isocrat. Callimach. (§. 6) ubi Hieron. Wolfius pro *Πίνων* habet *Οἰώνων*. Sed utrumque mendum jam Maussac. ad Harpocrat. sustulit, et Lang. in Isocr. ex Harpocr. recte edidit *Πίνων*, quod in Mscr. se legisse testatur Coraës (Isocrat. T. II p. 267). Quod autem Fulv. Ursin. Callimacheam ab Isocrateo dicendi genere valde dissidere censeat, id e discrimine judicialium orationum (cf. Isocr. Panath. §. 1.) et suasionum politicarum minus ante oculos posito natum est. Diserte Schol. ad Aristoph. Nub. v. 1139. Fabric. l. c. Isocrati orat. tribuit.]

Ejusdem fere temporis esse orationem adv. Euthynum ex iis, quae §. 2 commemorantur, probabile est. Aegineticam ut eidem aetati adscribamus, suadent, quae de turbis in Cycladibus extremo fortasse belli Pelop. tempore motis leguntur, quamquam de Pasino aliunde mihi quidem non constat.

Orationem de Bigis Krüg. (Clint. a. 396) e computatione prudenter instituta circa Olymp. 95 finem posuit, iisdemque temporibus assignat Busirin, de quo paullo infra dicam.

Trapeziticam anno 393 a. Chr. (Ol. 96, 4) post Satyri mortem esse scriptam efficere studet Clinton l. l. p. 296. not. x.

Jam a vero non abhorrebit, si orationem contra Lochit. judicialium temporibus adjecero, cui opinioni quodammodo faveat §. 10.

Praeterea Aristoteles Siculus (Isocratis adversarius, qui Panegyricam impugnavit, Diog. Laert. L. V. §. 35) apud Dionys. Halic. (in *Ἰσοκρ.* p. 576 seqq.) contendit: *δέσμιος πάντων πολλῶν δικάστικῶν λόγων Ἰσοκράτειον περιφίμεσθαι ἕκαστὸν τῶν βιβλιοκόπων.* Sed hujus generis homines in spuris etiam magno viri nomine abusos esse nemo intelligit. Nam Dionysius ibidem dicit, Cephisodorum, Isocratis discipulum, testari a praeceptore judiciarias nonnullas esse scriptas, non multas tamen. Quarum si forte jacturam fecerimus, nullam tempus, quo forensibus et scribendo et docendo vacaverit, excessisse, persuasissimum habeo.

Post Ol. 96, 4. Busiris oratio ponenda videtur, ut quae mentionem faciat Polyeratis *Σωκράτους κατηγορίας* (§. 4). Hanc, ingenii ostentandi causa, post illum annum (a. Chr. 393) scriptam esse certum erit, si audis Phavorinum (Diog. Laert. H. 5. §. 39.):

μνημονεύει (Πολύκράτης ἐν τῷ κατὰ Σωκράτους λόγῳ) τὸν ὑπὸ Κόρυκος τελεχῶν — (cf. Bentl. Dissert. de epist. Socr. §. 6.) Erat autem Polycrates Atheniensis tunc in Cyp̄ro degens (ὑπὸ Σ. Ἀδελφῶν) Athenis antea scholae rhetoricae dux, et postea Jasoni Thessalo ante Gorgiam non injucundus. (Pausan. Lib. VI. c. 17 fin.) Huic igitur et Soeratis et Gorgiae gratia Isocrates infensior fuerit.

Helenae Encomium contra eundem sophistam Polycratem compositum esse, approbare studet Spengel. p. 75, ubi illius exstare sub Gorgiae nomine Helenae laudationem non sine aliqua veri specie opinatur. Alii orationem Isocratis Gorgiae aemulatione (ex. §. 14) scriptam putant. Quidquid hoc est, mihi rem in universum consideranti declamatio ad haec priora Isocratis tempora referenda videtur, postquam a Gorgiae consuetudine revertit.

Orationem contra Sophistas certo tempore adsignare non audeo; huic tamen superiori vindicaverim. Nam Isocratem statim, quum in novum et ampliorem docendi dicendique campum exspatiaretur, rhetorum gregem, quem prae se fastidiret, infensum sibi habuisse, consentaneum est. In auspicandis scholis adhibitam esse oratiunculam, non inepte Speng. (p. 166.) opinatur.

Panegyrica finita et edita est Ol. 99, 4, ut Spohn. (Dissert. de tempore Paneg.) demonstravit, quocum Clinton (ad annum 350 et in appendicis cap. XII. de bello Cyprio) suis vestigiis insistens consentit. Quod decem annis elaboratam esse narrant, id non ita accipiendum puto, quasi auctor universum illud temporis spatium uni huic operi expoliendo affixus insumserit; sed singulas partes primum conformasse, iisque in schola exemplo propositis, quibus praecepta adjunxerit, usus videri potest. Nam Isocratem, Gorgiae more, in docendo plurimum exemplis tribuisse verisimile est. Aliam porro calumniam, qua Lysiae scrinia compilasse arguunt, quum supra e Gorgiae Olympica argumentum adoptasse probaverim, quantum in me est, eo libentius diluam. Equidem me ab eorum partibus stare profiteor, qui non Isocratem a Lysia, sed sophistam quendam, qui nunc sub hujus nomine latet, ab Isocrate lacinias nonnullas furatum esse credunt. (cf. Wolf. ad Leptin. p. 363.) Mihi certe illa oratio funebris, quae Lysiae personam fert, ex Isocratis schola videtur profecta.

Plataïca Plataeensibus everso oppido Athenis supplicibus scripta fuerit, ut iis populi Atheniensis favor conciliaretur. Quo tempore amicis lecta vel in discipulorum conventu proposita sit, (nam simul rhetoricum artificium ostendit) ex historia dijudican-

dum est, Locus gravissimus in hac re explicanda legitur in Plataic. §. 9. Ἐχρῆν γὰρ αὐτοὺς (Θηβαίους) ἐπειδὴ κείδειν ἡμῶν τὴν πόλιν οὐχ οἷοί τε ἦσαν, ὥσπερ τοὺς Θεσπιάς καὶ τοὺς Ταναγραίους, συντελεῖν μόνον εἰς τὰς Θήβας ἀναγκάζειν, unde apparet, Thespienses nondum solum vertisse coactos, sed mitiori conditione habitos et cum Thebanis conjunctos fuisse. Plataeae autem dirutae jam erant Ol. 101, 3 (a. Chr. 374), Xenoph. Hellen. VI. 3. 1. Diod. XV. 46, qui Archonte Socratide haec narrat. Sed nota ibi, quae de Thespiis dicuntur: μετὰ δὲ ταῦτα οἱ μὲν Θηβαῖοι τὰς Πλαταιᾶς κατασκάψαντες, καὶ Θεσπιάς ἀλλοτριούς πρὸς αὐτοὺς διακειμένας ἐπέκρωθσαν. Quod accidisse ante pugnam Leucetricam Wesseling, ad h. l. probat. Patet igitur, orationem inter Plataearum et Thespiarum eversionem (373—72 a. Chr.) scriptam esse. Res Plataensium aliquatenus ita adjuvit, ut domicilii et ἰσοτελείας Athenis participes fierent (cf. Diod. l. c.). Quod ut confidenter affirmem, ea me movent, quae de universa Isocratis vivendi agendique ratione animo obversantur. Huc faciunt, quae Plutarchus (p. 144) narrat, eum discipulos in populi conciones misisse, ut, quae ibi agerentur, ipsi referrent.

Eodem tempore Euagorae a Nicocle (vel potius Thrasydaeo. cf. Phot. cod. 176 ex Theopompo) eunucho per dolum occisi (Ol. 101, 3. Diod. Sic. XV. 47.) laudationem scriptam et ad Nicoclem filium missam esse, probabile videtur; nec multo post orationes ad Nicoclem et Nicocles per intervallum datae sint, quum hanc ex Nicoclis persona serius compositam esse locus in ea obvius (§. 11) doceat.

His subjungere liceat Paraenesin ad Demonicum, quam Harpocrat. (in v. ἐπιαιτὸς ὄψκ.) Isocrati Apolloniati diserte tribuit. Cui favere videtur Suidas, in Apolloniatis libris recensens προσηκετικόν, et auctor βίου p. XII., qui προσηκετικόν in spuriis refert. A discipulo Isocratis ad imitationem Nicoclis, in quo, quemadmodum homini privato vivendum sit, explicatur, scriptam puto. Item §. 36 Hipponici filius regibus obtemperare jubetur. In paucissimis ab Isocratis scribendi genere discrepat. Jam Schirach. (Disp. I. p. 21) notavit (§. 4) ἐπιχειρεῖν καλὸν ἔργον pro καλῷ ἔργῳ. Praeterea grammatica forma συννειδήσεις (§. 16) et εἰδήσεις (§. 44) ab usu Isocratis, qui ubique εἴσομαι habet, aliena set. (Cf. Butt. Gr. Max. p. 569).

Epistola sexta (τοῖς Ἰάσονος παισίν) Ol. 102, 4 (a. Chr. 369) anno post Jasonem interentum videtur scripta Corai Tom. II, p. 311.

Archidamus ex historiae significatione ad annum Ol. 103, 3 (a. Chr. 366) refertur. (Cf. Clint. ad h. a.) Alii dicunt, Archidamum, nondum triginta annos natum,

Athenas misisse, qui ab Isocrate orationem ipsi apportassent; alii, *γυμνασίαν* esse. (Cf. ὑπόδ. Ἀρχιδ.) Equidem utramque rationem ita conjunctam fuisse puto, ut Athenis Isocrates Spartanorum partibus favens scriberet, et exemplum rhetoricum discipulis proponeret, similique consilio Lacedaemonem ad Archidamum mitteret. Huic orationi opposuisse videtur (Speng. iud. praef. p. XXIV) Alcidas, Messeniorum defectionem defendens, τὸν Μεσσηνιακὸν λόγον. Aristot. Rhet. I. c. 13, p. 47, ad quem locum ex Schol. affert Speng. (p. 176) insigne Alcidas dictum: Ἐλευθέριος ἀφ᾽ ἧκε πάντας ὁ θεός· οὐδένα δοῦλον ἢ φύσις πεποιήκεν.

Decem annis post epistolam ad Archidamum regem Isocrates octogenarius (epist. 9. §. 16) scripsit Ol. 106, 1. (a. Chr. 356.) Eidem anno Symmachica adscribenda (cf. Clint. ad h. a.).

De Antidosi Ol. 106, 4 (a. Chr. 353) cf. orat. §. 9 cl. §. 4. Areopagítica paullo post Symmachicam videtur scripta sed serius edita, Clint. ad annum 353. Epistolae regis Persarum in ea §. 81 commemorantur. Quae si teneremus, quo anno scriptae essent, certius tempus fortasse definiremus. Epistola octava (τοῖς Μυτιληναίων ἀρχουσιν) post Timothei mortem, Diophanto in Asia versante. Diod. Sic. XVI. c. 48 ad Ol. 107, 3 (a. Chr. 350).

Epistola septima Timotheo, Heraclae Ponticae tyranno, cujus laudes Memnon apud Photium cod. 224 celebrat, paullo post annum Ol. 106, 4, (a. Chr. 353) scripta sit, quo anno Clearchum patrem, eundemque Isocratis discipulum (epist. §. 12 et Memnon apud Phot. l. c.), sed crudelitate famosissimum in regno filius secutus est. Diod. Sic. XVI. 88. extr. coll. XV. 81. Philippus Ol. 108, 3. (a. Chr. 346), cf. Clint. Panathenaica inter Ol. 109, 3 et Ol. 110, 1. (ante Chr. 342–340) §. 3 cf. 267 et 270.

Utrum Isocrates artem rhetoricam a se litteris consignatam reliquerit nec ne, hodie ambigitur, et a veteribus jam in utramque partem disputatum est. Cicero (Brut. c. 12, §. 48) dicit, Isocratem primo artem dicendi esse negavisse, quia plurimum, opinor, exercitationi et exemplo tribuebat. Idem de invent. II. 2 (Isocrates), cujus ipsius quam constet esse artem non invenimus. Discipulorum autem, atque eorum, qui protinus ab hac sunt disciplina profecti, multa de arte praecepta reperimus. Hem dubitanter Quintil. II. 15, 4 loquitur his verbis: si tamen revera Ars, quae circumfertur, ejus est; cf. ibi Spald. not. Plutarchus l. l. p. 144. εἰδὶδ', οἱ καὶ τέχνας λέγουσιν αὐτὸν συγγεγραφέαι· οἱ δ' οὐ μεδόουσι, ἀλλ' ἀσκήσει χρησασθαι. Eadem Photius, qui tamen se artem rhetoricam,

illius nomine inscriptam, adhuc nosse affirmat; cetera de exercitatione rhetorica cum Plutarcho consentiunt. Bion auct. p. XII. causam famae de scripta arte subjicit, ὅτι Ἀριστοτέλης ὁ φιλόσοφος συναγαγὼν τέχνας ῥητορικὰς ἐμνήσθη καὶ ταύτης. At Aristoteles facile potuit aliunde cognovisse Isocratis artem per discipulos sermone traditam, qui multi fortasse, ut Theodectes utroque utebantur praeceptore. Neque aliam in partem interpretor locum ex scholiasta Anonym. (Speng. p. 161) ubi Isocratis praecepta quaedam commemorantur de dictione prolata ἐν τῇ οἰκίᾳ τέχνη i. e. in arte, quam discipulis tradebat intra privatos parietes. Fuerit ergo meo iudicio, quae ferebatur Ars, discipuli opus, ut Isocratis Apolloniatis, ex opinione Manut. ad Cic. epp. ad Div. I, 9 (Spald. ad Quint. l. c.) vel alius cujuscunque. Forsitan τέχνη ῥητορική ἐν βιβλίῳ β', quam sub Philisci nomine recenset Suidas, ubi etiam Ἰσοκράτους ἀπόφασις commemoratur, huc trahenda sit. Nam Quint. III. l. 14 de Isocrate et Aristotele dicit: Ars est utriusque; sed pluribus eam libris Aristoteles complexus est. Tale igitur discipuli opus, quum omnes in eo Isocratis Artem promulgari scirent, auctoris nomen per decursum temporis amiserit, praeceptoris induerit.

Isocratis dicta denique per discipulos ore propagata esse, quum per se concedatur, tum e nonnullis vestigiis apparet. Apud Suidam locus exstat: Ἰσοκράτης εἶπεν, Ὁ γὰρ γράμματος διανοηθεὶς περὶ τῶν ἰδίων, οὐδέποτε καλῶς βουλευέσεται περὶ τῶν ἀλλοτρίων. Praeterea aliquot locos in rhetoribus latentes commonstravit Pflugk. l. l. Isocrates in schola saepius discipulos admonuisse fertur, τῆς καιδείας τὴν ἕξιν εἶναι πικρὰν, γλυκίῃς δὲ τοὺς καρκύς. (Aphthon. Προοίμ. C. III. p. 63. Rhett. Gr. T. I.) Aliud ejusdem dictum a familiaribus exceptum et posteris traditum est, quo παρῆναι τοῖς γνησίμοις προτιμῶν τῶν γονέων τοὺς διδασκάλους, ὅτι οἱ μὲν τοῦ ζῆν μόνον, οἱ δὲ διδασκάλοι καὶ τοῦ καλῶς ζῆν αἴτιοι γέγονασιν. (Theon. Προο. p. 207). Idemque bonam discipuli indolem his verbis praedidavit, τοὺς εὐφρεῖς τῶν μαθητῶν δεῶν καίδασ εἶναι. (Theon. Προο. p. 203).

De Isocratis schola et discipulis, ut in scriptione scholastica, pauca demum, quae habeo, afferam. Scholae locum, qui cunctae Graeciae quasi ludus quidam patuit (Cic. in Brut.), notum facit auct. βίου p. XI prope Lyceum Gymnasium fuisse. Discipulos ad centum habuisse Plutarchus refert (p. 140), quorum alios Isocrates ipse (de Antid. §. 95 seqq.) enumerat ob publica merita aureis coronis donatos, alios aliunde cognitos habemus, ut Aphareum privignum, Androtionem, Asclepiadem, Diodotum (Isocr. ep. 4. §. 1); Dioscuridem, Ephorum Cumaeum, Theopompum Chium, Theodecten Phaseliten, Isaacum,

Isocratem Apolloniatem, Cephisodorum, Coccum, Cratetem Trallianum, Lacritum Phaseliten, Leodamantem, Naucraten Erythraeum, Philiscum Milesium, quos Fabricius, Ruhnkenius, Coraëns investigarunt. Illis aecduunt ex auct. βίου Hyperides, Lyeurgus, Pytho Byzantius, orator Philippi. Ad Demosthenem etiam nonnihil ex Isocratis disciplina redundasse hinc illinc probabile fit. Primum ille praeceptorem habuit Isacum, quem Isocratis discipulum fuisse Dionys. Halic. (in Isaeo p. 588) tradidit. Praeterea Plutarchus (vit. Demosth. c. 5, p. 699 Reisk.) narrat, Demosthenem Alcidasantis et Isocratis artes, ut edisceret, clam occulteque sibi comparasse. Isaci autem prae Isocrate amplectendi causam quum alia, tum praecipue actio contra tutores et prima rerum forensium meditatio afferre potuerunt. Jam factus Isocratis sermo, qui apud Plutarchum (X oratt. p. 141) legitur, cum Demosthene habitus aliquam utriusque consuetudinem prodit, neque omnino in malam partem accipiendus videtur. Etenim Isocratem a civibus nullam mercedem (χιλίας δραχμῶν) exegisse, et ipsius verba (de Antid. §. 39 et 40. cf. §. 164: τῶν μὲν ἐνδέοντε ἡμιμάτων ἀπεσχόμεν, παρὰ ξένων δὲ καὶ νομιζόντων εὖ πάσχειν ἐπορισάμεν τὰς ὠφελίας) docent, et Plutarchus (l. c. p. 144) cum vitae Auct. p. IX testatur. Lacritus autem, Isocratis discipulus (Demosth. P. II. p. 205. §. 40), quem ibi orator ob pecuniam praeceptorum numeratam exagitat, peregrinus erat. Denique Demosthenem priori tempore Archidamum Isocratis et Symmachicam legisse et auribus inde ac mente nonnulla retinuisse, ut probabile faciam, profero, quae annotavi. Archid. §. 102. αἱ μὲν γὰρ εὐτυχίαι καὶ τοῖς φανούσι τῶν ἀνθρώπων τὰς κακίας συγκλύουσιν, αἱ δὲ δυσπραξίαι ταχέως καταφανεῖς ποιοῦσιν, ὁποῖοί τινες ἕκαστοι τυγχάνουσι ὄντες. Demosth. Olynth. I. p. 23. αἱ γὰρ εὐπραξίαι δεῖναι συγκρίψαι καὶ συσπιάσαι τὰ τοιαύτη ὄνειδη — Isocr. Symmach. §. 6. τὰς κτήσεις κομιούμεθα καὶ τὴν δύναμιν ἀναλήψόμεθα πάλιν. Dem. Phil. I. §. 42. τὰ ὑμετέρας ἀντῶν κομιεῖσθε — καὶ τὰ κατεῖραδνημένα πάλιν ἀναλήψεσθε. Symmach. §. 124. τοὺς ἐκ κινήτων πλουσίους γεγενημένους — Olynth. III. §. 36. ὅν οἱ μὲν ἐκ πτωχῶν πλούσιοι γεγόνασιν — Symmach. §. 138. et Phil. I. §. 42. Sed non opus est in singulis haerere; plura, quae de majorum virtute et rerum conditione in pejus mutata in Symmach. leguntur, in Philippicis spirant, at Demosthenica vi et nervis constricta. Sed redeo ad discipulos peregrinos, quos undecunque, e Sicilia et Ponto aliisque locis, ut erudirentur, Athenas ad se confluisse ipse gloriatur Isocrates (de Antid. §. 224) eosque magno cum desiderio et lacrimis a se discessisse (ibid. §. 87 et 88) narrat. Quantopere se in discipulorum institutione ad eujusque naturam et indolem accommodaverit, insigne exstat

exemplum in Theopompo et Ephoro exhibitum (Cic. de Orat. III. §. 36.). Qui viri me admonent, ut adjiciam, quae de praemiis in schola propositis ex Menandro rhetore referunt (Meier-Marx de Ephoro p. 14.): Ἰσοκράτης ἀρετῆς προτιθεῖ τοῖς ἀρίστοις τῶν ἀκροατῶν κατὰ μῦθον εἰς τὸν ἀντιφάγον. Ita Graeco more laudis et gloriae studium incendit ac remuneratus est.

Ab Isocratis discipulis per secula derivarunt artem et praecepta Isocratici qui audiunt. Hos lusit Lucilius, Romanorum poeta (Gell. Noct. Att. XVIII. 8) eorumque frequens mentio exstat apud Ciceronem, Dionysium, Longinum, rhetores.